

白居易含淚聽琵琶（唐健垣唱）

【南音短板面】

月照潯陽，西風冷，停船送客，意闌珊。
忽聽水上琵琶，隨波泛，又聽鶯喉婉轉，滌愁煩。
相請移船，毋怠慢，回燈敬酒，一座間。
只見佢羞抱琵琶，遮淚眼，低眉信手，續續彈。
轉軸撥弦，聲妙漫，【乙反】但係未成曲調，經已淚濕羅衫。
哀我亦係忍辱罷官，愁千萬，淚珠如串，落潺潺。
【中板】切切嘈嘈，哀音散，似流泉嗚咽，水下灘。
四座無言，惟嗟嘆，【慢板】惟嗟嘆，曲終檢衽，淚汎瀾。【長腔】

【乙反南音單序】

【正線】重獻酒，主客互敬一番。姑娘你含憂賣唱，定有無限艱難。
聽你音韻淒涼，我亦難止淚眼，幾許低迴暗恨，盡在你四弦間。
你這般藝巧情真，殊堪讚，眼下你係風塵淪落，昔日必定藝壓歌壇。
剛才獻藝我娛賓，惹君同悲慘，小女子一時感觸，淚雨飛翻。
我十三歲學得琵琶，常被名師讚，許多五陵闊少，迷戀我芳顏。

…
…